

*Շրջակա միջավայրի նախարարության
«Հիդրոոդերևութաբանության և մոնիթորինգի կենտրոն» ՊՈԱԿ*

ԱԳՐՈՏԵՐՆԵՎՈՒԹԱԲԱՆԱԿԱՆ

ՏԵՂԵԿԱԳԻՐ

2024


Մարտի երկրորդ տասնօրյակ

Տեղեկագիրը կազմել է ագրոոդերևութաբանության բաժինը՝ մասնագիտացված ագրոոդերևութաբանական կայաններից ստացված տեղեկատվության հիման վրա:

Տեղեկագրի պատասխանատու՝ տնօրենի տեղակալ Գ. Մուրենյան

ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ


Մարտի երկրորդ փասնօրյակում օդի միջին ջերմաստիճանը հանրապետության շրջանների զգալի մասում բարձր է եղել նորմայից 1-2 աստիճանով:



Տասնօրյակի ամենաբարձր ջերմաստիճանները դիտվել են մարտի 15-ին. Տավուշում գրանցվել է +13...+16°C, Վայոց ձորի լեռնային շրջաններում՝ +10...+12°C, նախալեռնային շրջաններում՝ +19...+21°C, Սյունիքի հովտային շրջաններում՝ +17...+20°C, նախալեռնային շրջաններում՝ +12...+15°C, Շիրակում՝ +6...+8°C (Արթին՝ +13°C, Գյումրի՝ +14°C), Կոտայքի լեռնային շրջաններում՝ +9...+12°C, նախալեռնային շրջաններում՝ +15...+17°C, Գեղարքունիքում՝ +9...+13°C, Լոռիում՝ +13...+15°C, Արմավիրում, Արարատում՝ +19...+21°C, Արագածոտնի լեռնային շրջաններում՝ +9...+11°C, նախալեռնային շրջաններում՝ +13...+15°C (Աշտարակ՝ +19°C):


Տասնօրյակի ամենացածր ջերմաստիճանները դիտվել են 11-13-ն ընկած ժամանակահատվածում. Տավուշում գրանցվել է 0...-1°C (Դիլիջան՝ -7°C), Վայոց ձորի լեռնային շրջաններում՝ -8...-10°C, նախալեռնային շրջաններում՝ -1...-3°C, Սյունիքի հովտային շրջաններում՝ 0...3°C, նախալեռնային շրջաններում՝ -3...-7°C, Շիրակում՝ -8...-11°C (Աշոցք՝ -17°C), Կոտայքի լեռնային շրջաններում՝ -5...-9°C (Հանքավան՝ -13°C), նախալեռնային շրջաններում՝ -3...-5°C, Գեղարքունիքում՝ -5...-9°C, Լոռիում՝ -5...-8°C (Տաշիր՝ -11°C), Արմավիրում, Արարատում՝ -1...-3°C, Արագածոտնի լեռնային շրջաններում՝ -8...-10°C, նախալեռնային շրջաններում՝ -1...-3°C:

Տասնօրյակային տեղումներ




Տասնօրյակի ընթացքում տեղումների գումարային քանակը շիրակում կազմել է 15-25մմ (110-224%), Լոռիում՝ 21-31մմ (128-229%), Տավուշում՝ 32-15մմ (195-279%), Արագածոտնի լեռնային շրջաններում՝ 19-31մմ (110-145%), նախալեռներում՝ 21-39մմ (198-326%), Գեղարքունիքում՝ 27-73մմ (250-522%), Կոտայքի լեռնային շրջաններում՝ 41-59մմ (229-297%), նախալեռներում՝ 44մմ (293%), Արմավիրում՝ 32-45մմ (427-439%), Արարատում՝ 39-49մմ (338-505%), Վայոց ձորի լեռնային շրջաններում՝ 50մմ (176%), նախալեռներում՝ 54մմ (492%), Սյունիքի հովտային շրջաններում՝ 19-35մմ (150-154%), նախալեռներում՝ 23-26մմ (85-211%):

Հողի մակերևույթի նվազագույն ջերմաստիճանը



Հողի մակերևույթի նվազագույն ջերմաստիճանները գրանցվել են մարտի 11-13-ն ընկած ժամանակահատվածում. լեռնային շրջաններում՝ $-8...-10^{\circ}\text{C}$, առանձին լեռնային շրջաններում՝ $...-17...-19^{\circ}\text{C}$, Արարաբյան դաշտում, Վայոց ձորի նախալեռներում և Սյունիքի հովտային շրջաններում՝ $-5...-7^{\circ}\text{C}$:



Մարտի 20-ի դրությամբ ձյան ծածկի բարձրությունն Արագած բլ-ում կազմել է 156 սմ, Ամբերդում՝ 75սմ, Ջերմուկում՝ 85սմ, Հրազդանում, Անանուն լ/ք՝ 71սմ, Ապարանի ջրամբարում 61սմ, Մարտունիում 58սմ, Հրազդանում 56սմ, Ճամբարակում 50սմ, Սևանում 46սմ, Սեյմլիսկայում 45սմ, Գավառում 36սմ, Պուշկինի լ/ք-ում 30սմ, Ամասիայում 21, Ֆանտանում 16սմ, Սրբեփանավանում, Աշոցքում, Դիլիջանում, Օձունում, Վանաձորում, Տաշիրում, Գյումրիում, Արթիկում, Գորիսում, Սիսիանում, 1-10սմ, մնացած շրջաններում ձյան ծածկը բացակայել է:

Գյուղատնտեսական աշխատանքների կատարման պայմանները



Հովտային և առանձին նախալեռնային շրջաններում դաշտերում և այգիներում կատարվել է ծառերի բների փխրեցման և սպիտակեցման աշխատանքներ:

Տասնօրյակի ընթացքում դիտված տեղումները բարձրացրել են հողի խոնավության պաշարները, սակայն դժվարեցրել դաշտային աշխատանքների կատարումը:

Աշնանացան ցորեն

Հովտային շրջաններում շարունակվել է աշնանացան հանգույցների առաջացումը, նախալեռնային շրջաններում աշնանացանը գտնվել է թփակալման և ցողունակալման փուլերում:

Բույսի բարձրությունը տասնօրյակի վերջում կազմել է 12-15սմ, տասնօրյակային աճը կազմել է 3-6սմ:

Մերձավանում աշնանացանի դաշտում բույսի աճի և զարգացման համար անհրաժեշտ հողի խոնավության պաշարները 0-20սմ շերտում՝ 24մմ, 0-30սմ՝ 41մմ:

Լեռնային շրջաններում աշնանացան ցորենը դեռ գտնվել է ձմեռային հանգստի շրջանում:

Առանձին լեռնային շրջաններում հողը սառած էր 18-20սմ խորությամբ:

Աշնանացանի ձմեռման համար վրանգավոր ջերմաստիճաններ չեն գրանցվել:

ցորենի ծեղացողունի ներքին



Պտղաբույսեր

Արարատյան դաշտում բազմամայա միջին ժամկետներից 20-25 օր շուրջ դիտվել է ծիրանենու մասսայական ծաղկում, դեղձենու բողբոջներն ուռչել են, տեղ-տեղ՝ բացվել:



Խոտաբույսեր

Հովտային շրջաններում շարունակվել է առվույտի ցողունի աճը:

Բույսի բարձրությունը փասնօրյակի վերջում հասել է 13սմ-ի: Տասնօրյակային աճը կազմել է 4-7սմ:
